



# ՀԱՅԱՍՏԱՆԻ ԱՂԱՎԱՅՈՒ ԱԳՐԱՐԱՅԻՆ ՀԱՄԱԼՍԱՐԱՆ

Հաստատված է  
ՀԱԱՀ գիտական խորհրդի կողմից

29 օգոստոսի 2024  
արհ. թիվ 13

Վավերացնում եմ  
ՀԱԱՀ ռեկտորի պարտականությունները կատարող

Հ. Զարոյան  
29.08 2024

## ՀԱՅԱՍՏԱՆԻ ԱՂԱՎԱՅՈՒ ԱԳՐԱՐԱՅԻՆ ՀԱՄԱԼՍԱՐԱՆԻ ԱՐՏԱՔԻՆ ԿԱՊԵՐԻ ԵՎ ՄԻՋԱԶԳԱՅԻՆ ՀԱՄԱԳՈՐԾԱԿՅՈՒԹՅԱՆ ՔԱՂԱՔԱԿԱՆՈՒԹՅՈՒՆԸ 2024-2029

ԵՐԵՎԱՆ 2024

Միջազգայնացումը ՀԱԱՀ բնականոն գործունեության անքակտելի մասն է և ամրագրված է ռազմավարական պլանում: Այն նպատակ ունի նպաստելու ՀԱԱՀ շարունակական զարգացմանը, ապահովելու միջազգային ճանաչում և կայուն գործընկերներ միջազգային գիտակրթական հարթակներում: ՀԱԱՀ ղեկավարությունը, անձնակազմն ու սովորողները կարևորում են կրթության և գիտության միջազգայնացումն ու համապատասխան ընթացակարգերով և գործողություններով նպաստելու են դրա իրականացմանը:

Հայաստանի ազգային ագրարային համալսարանը, հանդիսանալով ագրոպարենային համակարգի մասնագետների պատրաստման և ոլորտի մասնագետների վերապատրաստման միակ բարձրագույն կրթության կենտրոնը հանրապետությունում, հիմք ընդունելով.

- ՀԱԱՀ առաքելությունն ու ռազմավարական ծրագիրը,
- Հայաստանի Հանրապետության կրթության մինչև 2030 թվականի զարգացման պետական ծրագիրը,
- ՀՀ կրթական համակարգում նախատեսվող փոփոխությունները,
- միջազգային կրթական համակարգի զարգացման տենդեցներն ու ուղղությունները,
- միջազգային դրամաշնորհային կառույցների կողմից ներկայացվող առաջնահերթությունները

միջազգային կապերի ընդլայնման և միջազգային համագործակցության խթանման նպատակով որդեգրում է հետևյալ քաղաքականությունը.

- Դառնալ միջազգային բարձրագույն կրթական տարածքի մի մաս, լինել մրցունակ, առաջատար կրթական, գիտահետազոտական և խորհրդատվական ծառայություններ մատուցող կենտրոն:
- Լավագույն փորձի փոխանակման, աշխատակիցների և սովորողների շարժունության խթանման և սահուն իրականացման համար առավելագույնս ինտեգրվել եվրոպական միջազգային կրթական տարածքին:
- ՀԱԱՀ-ն դարձնել գյուղատնտեսության ոլորտի օտարերկրյա ուսանողների ուսուցման համար մրցունակ կրթօջախ:
- Աջակցել ՀԱԱՀ հետազոտողներին՝ գյուղատնտեսության ոլորտում հայաստանյան գիտական ներուժը և ձեռքբերումները ճանաչելի դարձնելու նպատակով:
- Գիտահետազոտական և ուսումնական ծրագրերի իրականացման առումով հասնել միջազգային որակական ստանդարտներին, համապատասխանեցնել ՀԱԱՀ-ի և

արտասահմանյան առաջատար բարձրագույն ուսումնական հաստատությունների կրթական ծրագրերն ու ուսումնական պլանները:

- Կրթության և հետազոտական գործունեության միջոցով նպաստել առկա տեղական և միջազգային մարտահրավերների լուծմանը (սննդի անվտանգություն, ագրոտեխնոլոգիական գործունեություն, շրջակա միջավայրի պահպանություն, կայուն զարգացում):

#### **Միջազգային համագործակցության ոլորտում ՀԱԱՀ-ի հիմնական նպատակներն են.**

- արտերկրում ՀԱԱՀ հեղինակության բարձրացում,
- համալսարանում և արտասահմանյան առաջատար բուհերում գործող մասնագիտական կրթական ծրագրերի և ուսումնական պլանների ներդաշնակեցում,
- ժամանակակից մարտահրավերներին համապատասխանող հետազոտության և կրթական ծրագրերի իրականացում,
- սովորողների և պրոֆեսորադասախոսական անձնակազմի շարժունության ապահովում՝ Հայաստանից արտերկիր և հակառակը,
- կրթական ծրագրերի և գիտական ձեռքբերումների արտահանում,
- ՀԱԱՀ-ն դարձնել արտերկրից ժամանած գյուղատնտեսության ոլորտի ուսանողների ուսուցման տարածաշրջանային կենտրոն:

#### **Միջազգային համագործակցության ոլորտում համալսարանի խնդիրներն են.**

- միջազգային չափանիշներին համապատասխան համալսարանի կրթական և գիտական գործունեության որակի ապահովում, Եվրոպական կրթական չափանիշների ներդրում և կիրառում,
- արտասահմանյան բարձրագույն գիտակրթական հաստատությունների հետ կապերի հաստատում և ուսանողական ու գիտամանկավարժական գիտակրթական փոխանակման ծրագրերի իրականացում,
- միջազգային կրթական և գիտահետազոտական ծրագրերի մասնակցություն և իրականացում,
- միջազգային կրթական որակական չափանիշների ներդրում և կիրառում,

- համալսարանի և արտասահմանյան առաջատար բարձրագույն ուսումնական հաստատությունների ուսումնական պլանների համադրում, արտասահմանյան արդյունավետ փորձի տեղայնացում,
- միջազգային շուկայում գյուղատնտեսության ոլորտի մրցունակ մասնագետների թողարկում, ներառյալ՝ նոր մասնագիտությունների և մասնագիտացումների հաշվին,
- նպաստել ՀԱԱՀ-ում «միջազգայնացում տանը» գործընթացի զարգացմանն ու իրականացմանը,
- տարաբնույթ միջազգային դրամաշնորհային ծրագրերի իրականացում՝ ՀԱԱՀ մարդկային ռեսուրսների անընդհատ կատարելագործման և ինստիտուցիոնալ կայունության ու զարգացման ապահովման համար: